



Broj: 02-05-1231/18
Lukavac, 05.06.2018.godine

Na osnovu člana 64. stav (1). tačka b), člana 88. i člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 02-05-1231/18 od 04.06.2018.godine u konkurentskom postupku javne nabavke usluga osiguranja putničkih motornih vozila i vatrogasnih kamiona, potpunog kasko osiguranja i osiguranja putnika u vozilu, Općinski Načelnik d o n o s i

ODLUKU **o izboru najpovoljnijeg ponuđača – LOT 1**

Član 1.

Prihvata se preporuka Komisije za provođenje postupka javne nabavke broj: 02-05-1231/18 od 04.06.2018.godine i Ugovor za nabavku usluga osiguranja putničkih motornih vozila i vatrogasnih kamiona, potpunog kasko osiguranja i osiguranja putnika u vozilu dodijeli ponuđaču TRIGLAV OSIGURANJE DD SARAJEVO, Podružnica Tuzla, a prema ponudi broj: 03-7438/18 od 25.05.2018.godine, dostavljenoj dana 29.05.2018.godine i konačne rang liste nakon završene e-aukcije, za ponuđenu cijenu u vrijednosti od 5.180,00 KM bez PDV-a..

Član 2.

Izabrani ponuđač dužan je nakon prijema Odluke o izboru dostaviti **u roku od 5 (pet) dana** originale ili ovjerene kopije dokaza o ispunjavanju uslova iz člana 45. stav (1) tačka d) Zakona o javnim nabavkama BiH, navedene u tački 12.2.a) Tenderske dokumentacije broj: 02-05-1231/18.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor će se dodijeliti drugorangiranom ponuđaču.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana prijema obavještenja o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-1230/18 od 08.05.2018.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 9.400,00 KM.

Obavještenje o nabavci broj: 719-7-2-22-3-36/18 objavljeno je na Portalu javnih nabavki dana 11.05.2018.godine.

Komisija za provođenje postupka nabavke imenovana Rješenjem broj: 02-05-1445/18 od 25.05.2018.godine dostavila je ugovornom organu-Općinskom Načelniku Zapisnik o pregledu i ocjeni ponuda broj: 02-05-1231/18 od 30.05.2018.godine, Zapisnik o pregledu i ocjeni ponuda nakon završetka e-aukcije broj: 02-05-

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015 No.
308550 QM15

1231/18 od 04.06.2018.godine, Preporuku o izboru najpovoljnijeg ponuđača broj: 02-05-1231/18 od 04.06.2018.godine i Izvještaj o radu broj: 02-05-1231/18 od 04.06.2018.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno osam ponuda;
- da je blagovremeno primljeno osam ponude;
- da nije bilo neblagovremeno primljenih ponuda;
- da ponuda ponuđača BRČKO-GAS OSIGURANJE DD Brčko, Podružnica Tuzla, nije kvalifikovana.

Naime, ponuđač BRČKO-GAS OSIGURANJE DD Brčko, Podružnica Tuzla, u obrascu za cijenu ponude, tačka III KASKO OSIGURANJE VOZILA, redni broj 2. Potpuno kasko osiguranje sa uključenim rizikom krađe, bez učešća u šteti za vozilo KODIAQ STYLE 2.0 TDI CR 4x4, upisao je cijenu u iznosu od 1.980,43 KM a ispod cijene u zagradi (GRATIS).

Postupajući na naprijed navedeni način, ponuđač nije pripremio ponudu u skladu sa kriterijima koji su utvrđeni u tenderskoj dokumentaciji, odnosno nije na za to predviđenom mjestu naveo iznos popusta i za koje vozilo daje popust.

U vezi s naprijed navedenim, Komisija je u skladu sa tačkom 14. i 18. Tenderske dokumentacije, te članom 68. stav 1. Zakona o javnim nabavkama, ponudu odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 9.400,00 KM i da je kriterij za dodjelu ugovora najniža cijena.

Ponuđač TRIGLAV OSIGURANJE DD SARAJEVO, Podružnica Tuzla dostavio je prihvatljivu ponudu sa konačnom cijenom nakon završene e-aukcije u iznosu od 5.180,00 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:
Fahrudin Hasanhodžić

Dostaviti:

1. SARAJEVO-OSIGURANJE DD Sarajevo, Podružnica Tuzla
2. GRAWE OSIGURANJE DD Sarajevo
3. DRINA OSIGURANJE AD, Filijala Tuzla
4. ASA OSIGURANJE DD Sarajevo
5. CENTRAL OSIGURANJE, Podružnica Tuzla
6. EUROHERC OSIGURANJE DD, Podružnica Tuzla
7. TRIGLAV OSIGURANJE DD Sarajevo, Podružnica Tuzla
8. BRČKO-GAS OSIGURANJE DD Brčko, Podružnica Tuzla
9. Evidenciji i
10. Arhivi.-



OPĆINSKI NAČELNIK
Dr. Sc. Edin Delić